



JAVNI POZIV

Za podnošenje zahtjeva za dodjelu plastenika od 100 m² sa dodatnom opremom putem sufinansiranja u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima“ na području općine Tešanj u 2017. godini.

I PRAVO UČEŠĆA

Pravo za učešće u Projektu imaju socijalno i materijalno ugrožene osobe i mlade osobe sa područja općine Tešanj koje posjeduju vlastito poljoprivredno zemljište ili njihovi članovi uže porodice, kao i zemljište dato na korištenje ili u zakup, u neposrednoj blizini stambenog objekta u kojem stanuju.

II USLOVI ZA DODJELU PLASTENIKA

Podnosioci zahtjeva treba da ispunjavaju slijedeće uslove:

1. Da je nezaposlena osoba ili osoba sa minimalnim primanjima,
2. Da je upisan u Registar poljoprivrednih gazdinstava i klijenata u Općini Tešanj i izvršio ažuriranje podataka za 2017. godinu. ili dostavio/la ovjerenu izjavu da će se upisati u Registar poljoprivrednih gazdinstava prije dodjele plastenika,
3. Da podnosioc zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju a koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja plastenika,
5. Da sufinansira 20% od nabavne cijene plastenika sa pratećom opremom što iznosi 490,00 KM.,
6. Da obavezno prisustvuje edukaciji iz oblasti plasteničke proizvodnje u trajanju od dva dana.

Služba za finansije, privredu, komunalne i inspekcijske poslove Općine Tešanj, je nosilac aktivnosti vezano za realizaciju Projekta.

III KRITERIJI ZA DODJELU PLASTENIKA

Kriteriji za bodovanje podnosioca zahtjeva:

a) pogodnost poljoprivrednog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta), 1-4 boda,

- slabi uslovi (veliki nagib, udaljenost od kuće više od 200m) 1bod,
- dobri uslovi (relativno veliki nagib, udaljenost od kuće do 100 m) 2 boda,
- jako dobri uslovi (blagi nagib, blizu kuće, dobar pristup) 3 boda,
- mogućnost navodnjavanja plastenika iz vlastitog bunara 4 boda.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti navodnjavanja neće se bodovati, te se njihove prijave neće uzeti u razmatranje.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlen (vrijeme provedeno na Zavodu za zapošljavanje), 1-4 boda
 - od 0 - 3 god.----- 1 bod
 - od 3 - 6 god. ----- 2 boda
 - od 6 - 10 god----- 3 boda
 - više od 10 god.----- 4 boda
- za svakg punoljetnog nezaposlenog člana porodice koji se nalazi na evidenciji nezaposlenih osoba Biroa za zapošljavanje -1 bod,
- za svakog izdržavanog člana porodice (roditelj bez primanja, djeca , učenik i sl.) -1 bod
- mlade osobe životne starosti do 35.godina.- 5 bodova
- ako je podnosilac zahtjeva samohrani roditelj-2 boda
- socijalni aspekt-podnositelj zahtjeva i članovi domaćinstva bez primanja-7 bodova,
- socijalni aspekt-minimalna primanja po članu domaćinstva do 200,00KM-5 bodova,
- socijalni aspekt-minimalna primanja po članu domaćinstva do 250,00 KM-4 boda,
- socijalni aspekt-minimalna primanja po članu domaćinstva do 300,00 KM-3 boda,
- socijalni aspekt stanje na terenu: 0-4 boda,

Kada kandidati pri bodovanju imaju isti broj bodova, prednost će pored mladih bračnih parova imati i višečlane porodice.

IV POTREBNA DOKUMENTACIJA

Dokumentacija potrebna za dodjelu plastenika:

- 1.Obrazac za prijavu na Javni poziv,
- 2.CIPS prijava podnosioca zahtjeva-orginal ili ovjerena kopija,
- 3.Ovjerena kućna lista,
- 4.Dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik,
- 5.Potvrde iz škole/fakulteta za djecu/ izdržavane članove domaćinstva,
- 6.Potvrda o visini primanja zaposlenih članova domaćinstva a za penzionere ček od zadnje penzije
- 7.Vlasništvo, posjed ili korištenje nad parcelom (ZK izvadak, Posjedovni list,važeći Ugovor o zakupu, korištenju zemljišta),
- 8.Ovjerena izjava podnosioca zahtjeva:
 - a) da ne posjeduje platenik u svom vlasništvu,
 - b) da će korisnik poticaja dobiveni platenik zadržati u vlasništvu najmanje tri (3) godine od dana potpisivanja Ugovora,
 - c) da podnosilac zahtjeva u posljednjih pet (5) godina nije ostvario pravo na donaciju, dodjelu ili sufinansiranje nabavke plastenika od općine, razvojne agencije, ministarstva i dr.
 - d) da će sufinansirati 20% od nabavne cijene plastenika sa pratećom opremom, što iznosi 490,00 KM i da će obavezno prisustvovati edukaciji u trajanju od dva dana,
9. Potvrda o upisu u Registar poljoprivrednih gazdinstava i klijenata, od općinske službe izdata u 2017 godini. ili ovjerena izjava da će se upisati u Registar prije potpisivanja Ugovora.

V IZBOR KANDIDATA

Komisija za odabir krajnjih korisnika za dodjelu plastenika sa pratećom opremom putem sufinansiranja u saradnji sa humanitarnom organizacijom čine predstavnik organizacije Muslim Aid i predstavnici Općine.

Zadatak Komisije za dodjelu plastenika je:

-pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Općinskom načelniku.

Saglasnost na predloženu listu kandidata daje Općinski načelnik.

Rang lista se objavljuje na oglasnoj ploči Općine Tešanj i službenoj web stranici Općine Tešanj.

NAPOMENA:

Kandidati koji ostvare pravo na dodjelu platenika obavezni su prisustvovati edukaciji u trajanju od dva dana.

Obrasci zahtjeva za prijavu na Javni poziv i obrazac izjave mogu se preuzeti na službenoj stranici Općine Tešanj, u prijemnoj kancelariji u zgradi Općine Tešanj, općinskim uredima u Jelahu i Tešanjci, i zajedno sa dokumentacijom predati u zatvorenoj koverti, s naznakom NE OTVARAJ "Za Javni poziv za dodjelu platenika", u prijemnoj kancelariji Općine Tešanj ili preporučenom poštom na adresu: Općina Tešanj Trg Alije Izetbegovića broj 1.

Javni poziv je otvoren od 22.09. do 09.10. 2017.godine.

Nepotpune i neblagovremene prijave neće se uzeti u razmatranje.

Sve dodatne informacije mogu se dobiti u Službi za finansije, privredu, komunalne i inspeksijske poslove ili na telefon broj: 032-653-915.

OPĆINSKI NAČELNIK

Mr. sci. Suad Huskić